

"Теріс пиғылды бәсеке туралы" Қазақстан Республикасының Заңына өзгерістер мен толықтырулар енгізу туралы

Қазақстан Республикасының Заңы 2000 жылғы 15 желтоқсан N 125-II

"Теріс пиғылды бәсеке туралы" 1998 жылғы 9 маусымдағы Z980232_ Қазақстан Республикасының Заңына (Қазақстан Республикасы Парламентінің Жаршысы, 1998 ж., N 9-10, 84-құжат) мынадай өзгерістер мен толықтырулар енгізілсін:

1. Заңның мемлекеттік тілдегі тақырыбында және бүкіл мәтіні бойынша "Теріс пиғылды", "теріс пиғылды" деген сөздер "Жосықсыз", "жосықсыз" деген сөздермен ауыстырылсын.

2. 1-бап мынадай мазмұндағы төртінші абзацпен толықтырылсын:
контрафактық өнім - нарықтық қатынастардың жекелеген субъектілерінің жосықсыз бәсеке және тұтынушыларды адасушылыққа салу мақсатында шығарған өнімі;"

3. 3-бап мынадай редакцияда жазылсын:

"3-бап. Осы Заңның қолданылу аясы

Осы Заң Қазақстан Республикасының жеке және заңды тұлғаларына, мемлекеттік органдары мен жергілікті өзін-өзі басқару органдарына, сондай-ақ іс-әрекеттері Қазақстан Республикасының тауар (жұмыстар, көрсетілетін қызметтер) рыноктарында еркін бәсекені шектейтін және жоятын шетелдік жеке және заңды тұлғаларға, азаматтығы жоқ адамдарға қолданылады."

4. 4-бап мынадай мазмұндағы 3-тармақпен толықтырылсын:

"3. Нарықтық қатынастар субъектілеріне бәсекені жоюға немесе шектеуге, сондай-ақ ұқсас қызмет түрлерімен айналысатын нарықтық қатынастар субъектілерінің қызметіне кемсітушілік жағдайлар туғызуға бағытталған іс-әрекеттер жасауға тыйым салынады."

5. 5-бапта:

б) тармақшадағы "мен сапасы" деген сөздер ", сапасы және бағалары" деген сөздермен ауыстырылсын;

мынадай мазмұндағы 9-1) тармақшамен толықтырылсын:

"9-1) демпингтік бағаларды пайдалану арқылы бәсекеде артықшылыққа қол жеткізу ;"

6. 6-бап мынадай редакцияда жазылсын:

"6-бап. Осы заңды бұзғаны үшін жауапкершілік

1. Осы Заңды бұзғаны үшін жауапкершілік мынадай негіздер бойынша:

1) уәкілетті органның осы Заңның талаптарына сәйкес берілген нұсқамаларын

орындаудан жалтарғаны үшін;

2) уәкілетті органға құжаттарды, анықтама материалдарды және басқа ақпаратты, сондай-ақ жазбаша түсініктемелерді бермегені немесе көрінеу қате немесе жалған мәліметтерді бергені үшін. Анықтама материалдарды және басқа ақпаратты беру мерзімін уәкілетті орган белгілейді және ол 15 күннен аспауға тиіс;

3) осы Заңның 5-бабында көзделген іс-әрекеттерді (әрекетсіздікті) жасағаны үшін;

4) мемлекеттік органдар мен жергілікті өзін-өзі басқару органдары лауазымды адамдарының бәсекелестікті шектеуге немесе жоюға жағдай жасайтын іс-әрекеттерді жасағаны үшін айыппұл түрінде туындайды.

2. Осы Заңды бұзған жағдайда нарықтық қатынастардың субъектілері, мемлекеттік органдар мен жергілікті өзін-өзі басқару органдары және олардың лауазымды адамдары:

1) уәкілетті органның нұсқамаларына сәйкес жосықсыз бәсеке фактісі бойынша тәртіп бұзушылықты тоқтатуға, бәсекені жоюға немесе шектеуге бағытталған келісімді (келісілген іс-әрекеттерді) бұзуға немесе өзгертуге және нұсқамада көзделген өзге де іс-әрекеттерді орындауға;

2) жосықсыз бәсеке салдарынан келтірілген залалды (зиянды) заңдарда белгіленген тәртіппен өтеуге;

3) жосықсыз бәсеке нәтижесінде алынған табысты және заң актілерінде белгіленген тәртіппен айыппұлды мемлекеттік бюджетке аударуға міндетті. Жосықсыз бәсеке нәтижесінде алынған табысты аудару мүмкін болмаған жағдайда, құқыққа қарсы іс-әрекет кезеңінде алынған, бірақ осындай іс-әрекеттер анықталған жыл алдындағы соңғы есептік жылдағыдан аспайтындай табыс мемлекеттік бюджетке алып қойылады."

7. 7-бапта:

2-тармақта:

1) тармақша "оның зардаптарын жою туралы" деген сөздерден кейін ", сондай-ақ жосықсыз бәсеке нәтижесінде алынған табысты мемлекеттік бюджетке аудару туралы" деген сөздермен толықтырылсын;

5) тармақша мынадай редакцияда жазылсын:

"5) жосықсыз бәсекенің жолын кесу және оның зардаптарын жою туралы, жосықсыз бәсекені жүзеге асыру кезеңінде алынған табысты мемлекеттік бюджетке алып қою туралы, жосықсыз бәсекені жүзеге асыру кезеңінде заңды тұлғаға немесе жеке кәсіпкерге, сондай-ақ тұтынушыларға келтірілген зиянды өндіріп алу туралы, өнімді контрафактық деп тану туралы талап қойып сотқа жүгінуге;"

мынадай мазмұндағы 3-тармақпен толықтырылсын:

"3. Осы Заңды бұзушылықты жою туралы нарықтық қатынастар

субъектілеріне, мемлекеттік органдарға және жергілікті өзін-өзі басқару органдарына енгізілген нұсқамалар, егер мұндай нұсқамаларға заң актілерінде белгіленген тәртіппен шағым берілмеген болса, орындау үшін міндетті болып табылады.".

Қазақстан Республикасының
Президенті

Мамандар:

Қасымбеков Б.А.

Багарова Ж.А.